

瘍科證治準繩卷之三

金壇王肯堂輯 門人新安閔承詔校

癰疽部分

靈樞五臟身有五部 伏兔一 腓二 腓者腓也 卽足肚

背三 五臟俞四 項五 此五部有癰疽者死

王海藏云 腦 鬚 鬢 頤 亦為癰疽必死

之處

鬼遺方不可患癰疽者七處 眼後虛處 頤接骨

處 陰根上毛間腠與尻骨接處 耳門前後車骨

接處 諸因小腹風水所成癰疽 頷骨下近耳後



瘍科證治準繩卷之三

金壇王肯堂輯 門人新安閔承詔校

癰疽部分

靈樞五臟身有五部

伏兔一

腓二

腓者腓也即足肚

背三

五臟俞四

項五

此五部有癰疽者死

王海藏云

腦

鬚

鬢

頤

亦為癰疽必死

之處

鬼遺方不可患癰疽者七處

眼後虛處

頤接骨

處

陰根上毛間胛與尻骨接處

耳門前後車骨

接處

諸因小腹風水所成癰疽

頷骨下近耳後



虛處 鼻骨中 並能害人但以諸法療之或有得

瘥唯眼後虛處最險

背上九處不可病癰 第一入髮際爲玉枕亦爲

本 第二頸項節 第三椎爲崇骨 第四大椎爲

五藏 第五脊骨兩邊肺俞穴 第六夾脊兩邊脾

俞及肝俞 第七脊骨兩邊腎俞二穴 第八後心

鳩尾 第九鳩尾骨穴

正面五處不可患癰 第一喉骨爲垂膺 第二當

胸爲神舍 第三心鳩尾 第四當兩乳穴 第五

臍下二寸爲腸屈間



側面三處不可患癰耳下近耳後牙車尖尖陷中

為喉脉一穴當膊下一穴為肩骨承山上

二穴喘腸

上焦發癰為陽是壅塞實候宜解利溫涼湯藥去其積熱上攻外即貼消腫逼毒藥如已結定即用發穴藥候穴破出其膿毒腫平方貼生肉等藥然後歛合瘡口亦慮外傷風水勿食發風熱醬麵毒物等忌房事

中焦發癰至腰上一節前後心不定所在皆是澁滯候亦乘虛而作不拘大小前起心鳩尾者最要緊近



兩腋是虛處兩脇肋下至臍上及臍下兩傍一二寸
發癰填氣伏硬難潰膿爲此等處偏難發穴穴後難
合瘡口並須先用煖內藥服後用熱藥貼令軟和慢
慢破穴不得急破急破卽朝夕出膿不住緩慢破穴
卽一頓出膿易爲將息後心者唯有十一椎脾俞下
十四椎上爲腎俞腎俞下爲腰俞兩處起癰者防毒
氣內攻爲此處皆是至虛處凡有癰起先須補內氣
令實方可放破內氣實則不內攻且易得潰唯腰腿
兩處多成漏疾預防節慾則先矣

下焦發爲流注虛損候前陰股兩處起如鷄卵大長

橫摺內初起腫核結塊後四畔浮腫相併伏硬色青
黑先用和平藥內服三五日後用發軟散及養
令軟卽穴穴後其瘡口卽隨摺子內作長瘡瘡
宜急用抽毒膏出膿膿盡便貼合瘡口藥爲此處無
肉可壞更不須長肉也

右靈樞鬼遺諸書所言部分甚悉今已散采入各
條矣其經絡所屬及引經之藥已見首卷分經絡
篇其初中後內消外治之法及表裏虛實之別則
當於腫瘍潰瘍門求之今世專科方士所詫以爲
祕傳之書圖寫形像分別名目以立治法者多不

足憑此中亦有蒐采者如或問姑以廣聞見耳
必泥也

黑漆用時平藥內瓶三正日對用幾煙箱又漆藥盤
謝辭內內張祖對孫殿新四半乳謝世世世為要可貴



八頭部一

○百會疽

或問百會穴生疽何如曰此名玉頂發初如麥米
增痛楚寒熱大作由虛陽浮泛宜以鹽湯下八味丸
引火歸源甚則黑錫丹或元氣素厚六陽經受風邪
風火相扇臟腑熱毒上攻而然者宜黃連消毒飲兼
玉樞丹勝金丹更以附子切片置湧泉穴灸五壯以
泄其毒七日無膿者死

○頂門癰

或問頂門生癰何如曰此屬太陽經風熱所致一名

佛頂疽穴名上星由臟腑陰陽不調熱毒上壅而成
宜服活命飲加芩連梔子藁本清熱之劑及紫金丹
烏金散奪命丹汗之虛者十全大補湯加羌活稍遲
潰爛黑陷惡證多脉大神昏二便閉結者不治

○額疽

鬼遺方云左額右額發赤疽不拘大小狀如桃李急
宜藥貼破見膿無害右額角一處發毒疽及惡癰爲
近太陽穴如腫滿太陽卽成虛損爲近穴而難消不
可破如破後傷外風水卽能害人亦宜用藥潰膿後
速斂合瘡口如經冬月卽成冷瘡緣此處近太陽穴

上至額角都爲險處 或問當額生疽何如曰此屬

陽明胃積熱宜服活命飲加升麻桔梗羌活石膏
服壯實者一粒金丹下之老弱者十全大補湯或
宣散黃芪內托散托之過時潰爛腦髓出者死

○太陽疽

鬼遺云左右太陽穴或發疽癰及癰五七日不潰毒

氣流入眼眶攻眼眼合不開用藥貼破破後慎外風

水所入即損其睛症損眼臉而成大疾 或問兩太

陽生疽何如曰此名勇疽亦名腦發疽屬足陽明胃

經狀如伏鼠寒熱併作面目浮腫宜活命飲加升麻



桔梗烏金散十一日刺得黃白膿者生清稀黑血者
及潰爛透腦者死

○鬢疽

鬢疽屬手少陽三焦相火是經少血多氣尤忌見膿
若妄加針灸必至不起余見之屢矣 薛新甫以爲
屬肝膽二經怒火或風熱血虛所致若發熱作渴者
用柴胡清肝散腫響痛甚者用仙方活命飲若大勢
已退餘毒未散用參芪歸朮爲主佐以川芎白芷金
銀花以速其膿膿成仍用參芪之類托而潰之若欲
其生肌收斂脾虛者六味丸血虛者四物加參芪或



血燥或水不能生木者用四物湯六味地黃丸氣虛

者用補中益氣湯皆當滋其化源為善

一老腫痛發熱膿清作渴脉軟而濇此氣血俱虛也

欲補之彼見作渴發熱乃服降火之劑果作嘔少食

復求治投六君子湯四劑嘔止食進仍用補藥月餘

而愈以上補劑一人患此焮痛作腫發熱以小柴胡湯

加連翹金銀花天花粉四劑而消一人因惡後贅

際腫痛發熱以小柴胡湯加連翹金銀花天花粉四

劑根畔俱消惟瘡頭作痛以仙方活命飲二劑痛止

膿熟針之更以托裏消毒藥而愈一人腫痛寒熱



拘急脉浮數以荆防敗毒散二劑表證悉退更以托
裡消毒散潰之而安 一人喉腫痛甚發寒熱
宣散愈熾診之脉數而實此表裏俱有邪也以荆防
敗毒散加芩連大黃二劑少愈更以荆防敗毒散四
劑而消 俞黃門年踰三十冬患鬚毒腫喉煩躁便
祕脉實此膽經風熱壅上也馬氏曰瘡瘍熱實不利
者大黃湯下之一劑便通瘡退更以荆防敗毒散二
劑十宣散去桂加天花粉金銀花數劑而愈 一人
頭面焮腫作痛時仲冬脉弦緊以托裡溫經湯汗之
而消 趙宜人年踰七十鬚疽已潰喉腫痛甚喜冷



脉實便秘東垣云煩躁飲冷身熱脉大精神昏悶者
臟腑實也以清涼飲二劑腫痛悉退更以托裏藥三
十餘劑而平

汪前疽雖出少陽血少之分然證與脉皆屬于實
故年壯者用瀉劑之重老年者用瀉劑之輕若拘
以年老或守其經禁而投補劑實實之禍難免矣

以上
寫例

侍御朱南皋患前證腫痛發熱日晡尤甚此肝膽二
經血虛火燥也用四物湯加玄參柴胡桔梗炙草治
之而愈又因勞役發熱畏寒作渴自汗用補中益氣



湯去柴胡升麻加五味麥門炮薑而瘥 州守胡延

器年七十患前證腫欬作痛頭目俱脹此腎水不足

肝膽火盛而血燥也用六味丸料四劑瘡頭出水而

愈後因調養失宜仍腫痛煩熱喘渴脉洪大而虛此

脾胃之氣傷也用補中益氣以補脾胃用六味地黃

丸以補腎肝而痊

以上補例

柴胡清肝散 治鬢疽及肝膽二焦風熱怒火之證

或項胸作痛或瘡毒發熱

柴胡

山梔

炒各壹錢伍分

黃芩

炒

川芎

人參

各壹錢

連翹

桔梗 各制分

甘草 五分

右水煎服

髮際瘡

鬼遺云左右髮際起如粟米頭白肉赤熱痛如錐刺此疾婦人患多丈夫患少始因風濕上攻髮際亦宜出膿無傷 或問髮際生瘡何如曰此名髮際瘡也狀如芡實漫腫寒熱或痛或痒者髮際疽也此由風熱上壅所致宜服防風通聖散紫金丹奪命丹汗之

○癩頭瘡

丹防風通聖散為末酒浸焙乾凡三次食後白湯調



服日三服至頭有汗効

世濃煎鹽湯洗三五日

洗用一上散傳之久年

愈神効

丹用好紫霄炭燒通紅入水淬之又燒又淬以水熱
爲度取所淬之水日日洗之使熱毒宣發而愈外以
胡荽子伏龍肝懸龍尾屋梁黃連白礬爲末調傳又
服酒炒通聖散効

一方單用黃連末傳之累効

或問頭上生瘡狀如葡萄痛甚久而無膿何如曰名
鬚毛瘡治法上同必須詳驗其瘡若中陷而四畔高

